



## OMPUMBWE YAANASHILONGA OTAYI HINDI OSHILONGA SHONGELEKI



Aatonateli yitayingeleki yomOwambo, Josafat Shanghala, kolulyo, Apollos Kaulinge, kolumoho naPetrus Shipena pokati.

Omahokololo gaatonateli yatatu mboka haa tonatele itayingeleki itatu yomoshitopolwa shOwambo, oga kema unene kompumbwe yaanashilonga ndjoka tayi dhegele momagongalo giitayi mbyoka. Omahokololo agehe gatatu ogu ulika wo koonkondo dhaKalunga ndhoka dha hulitha po onkalo yiita, ndjoka ya hepeke omagongalo omimvo 20 dha zi ko,

Omutonatelishitayingeleki shomOndonga omusita Petrus Shipena, omutonatelishitayingeleki shUuninginino omusita Josafat Shanghala nomutonatelishitayingeleki shUukwanyama omusita Apollos Kaulinge, ayehe yatatu omahokololo gawo oye ga gandja kehe gumwe pethimbo lyomutumba gwoshigongi shoshitayingeleki moshitayi she. Omukwetu ina wapa okumona ehokololo lyoshitayingeleki shaKavango.

Omutonatelishitayingeleki A. Kaulinge mehokololo lye okwa ti ompumbwe yaanashilonga-

ngeleki oshinima itaashi kothitha omutonateli. Ashike ina dhimbwa okupandulila Elelongeleki olune lwalyo metopolo lyaayakulingeleki. Mondonga, omusita P. Shipena okwa ti omagongalo gatatu ka ge na aasita nomagongalo gane taga yakulwa komusita gumwe awike pondje yomau-thompango omoluunene wago.

“Tu galikaneni Omuwa a tume aayakuli,” osho a hiya oshitayingeleki shOndonga. Omutonateli J. Shanghala naye mehokololo lye sho a ulike ompumbwe yaanashilonga okwa endlulula etumbulo lyaJesus: “Eteyo olya tiligana, ihe aalangi aashona.”

Okwa hiya oshigongi shi dhiladhile shoka shi shi okuningwa po. Ompumbwe yaanashilongangeleki miitayingeleki, oya hololwa momahokololo gaatonateli, pamwe nehawo lyopambepo momagongalo. “Oonguudu dhooitaali mboka yi inekele oonkondo dhaKalunga monkalo yomau-dhigu oyo onene,” osho omusita Shipena a tum-bula mehokololo lye.

“Omagongalo oga kondjitha aawa naanankondo yuuyuni mbuka noga sindi omwiinayi,” shika osha leshwa mehokololo lyomusita Shanghala. Omutonateli Kaulinge omwenyo gwopambepo momagongalo okwe gu ulika neindjipaleko lyomahala gomauvitho moshitayi, iikunino noosikola dhOsoondaha momikunda, enenepeko lyoosikola dhehungomwenyo nodhekoleko, elongitho lyOmasakramendi nokumbombolokela kugo, edhiko lyoondjokana paukriste nohokwe yokukala momalongelokalunga.

Tala kep. 4

## TWIKILA FIYO 1990

Elelongeleki ola indila meme Irja Soikeli a twikile natango noilonga mOngeleki ei fiyo muApilili 1990. Meme “kaSoikkeli” omuwiliki woshihondjelo shOngeleki noha kwafa yo mewiliko lokefe yOngeleki po-niipa. Efimbo laye leyakulo otali pu ko ohani tai ya Kotoba 1989.

Elelongeleki otali mu ifana opo konima yefudo laye a alukile vali keyakulo laELCIN.



Meme Irja Soikeli peshina lye lyokuhondja

SEPTEMBER 30, 1989

## Ondungu yuukoloni, ohayi tsana unene maaniilonga

Aaniilonga 300 oya kanitha iilonga petameko lyomwedhi nguka (5.9.1989) nayamwe oya ningwa iilalo sho omakakunya ga SA ga longitha ooholo dhoongumioku ya thiminika ya ka longe manga inaa pulakenwa uudhigu wawo nenge uudhigu wawo wa ekelwahi. Osha ningilwa aaniilonga yOmbulaye (Breweries) mOvenduka.

Uukoloni sho wa lala oshilongo shino 1915, mbalambala Aaluudhe aaniilonga oya dhikilwa ooveta dhoku ya thiminika ndhoka dha gandja oonkondo kaagandji yiilonga okuninga shono ya hala. Oveta ya tseyika moshinima shono oveta No.2/1916 na oveta No.1/1918.

Paveta ndhoka omuluudhe ota futithwa nenge ta tulwa mondholongo pamwe niilonga iidhigu shimpa, tuu inaa ninga shoka omuhona te mu lombwele. Natango oveta yopokati komuniilonga nomuhona omugandji gwiilonga oya gandjwa, Oveta No.34/1920, naandjoka otayi gwedhele ashike oonkondo komugandji gwiilonga.

Okwa kala wo oveta No.34/1952 ndjoka tayi longithwa momathiminiko mokati kaaniilonga yoofambulika, momatungo, nomipepo. Oveta 15/1939 oya longithwa maaniilonga yomoongeshefa, moomina nosho tuu, manga oveta 20/1968 hayi longithwa maaniilonga yoohotela, momalweendo moofaalama, nomiilonga yomegumbo.

Pakonakono ndyoka lya ningwa kOkomisi yaWiehahn 1988 mooveta nomelanelathano lyaaniilonga muNamibia,

opwa konekwa, kutya opu na aaniilonga:

- 46 800 yomoombelewa, miipangelo mooskola (Public Sectors)
- 12 000 haa longo moomina
- 34 500 miilonga yomomagumbo
- 15 000 moohi
- 1 000 moondjila
- 8 000 moongeshefa
- 25,7% muunamapya
- 64 000 moofabulika nopalwe

SA okwa kala nonkambadhala onene okwiimba aaniilonga yaa dhike omahangano gawo moka taa vulu okugamena uuthemba wawo wopailonga, unene okuza 1978. Ngashingeyi aaniilonga 70 000 oyi imanga kumwe nohaa popi ewi limwe omaupyakadhi gawo.

Natango shoka inashi mana po oombudhi pokati kaalongeli naalongelwa. Omumvo 1986 okwa ningwa iipotha iheyali maaniilonga na 1987 oya li 24. Okuza miipotha yomumvo 1987, osha thiminike epangelo lyuukwamuhoko lyopakathimbo mOvenduka li dhike po okomisi yokukonakona onkalo yaaniilonga, mewiliko lyomuprofesoli a simana meopaleko lyonkalo yaaniilonga Nic Wiehahn.

Mehokololo lyOkomisi ndyoka lya pewa Ngoloneyandjayi muFebruari 1989, aatalinawa otaa ti ngele oli taambwe ko, otali egulula hwepo omweelo guudemokoli miilonga. Mehokololo omwa kwatelelwa iinima yopapolotika, yopankalathano noyomahupilo goshilongo pamuthika guuyuni auhe.

Onkalo yomuniilonga oye ende omimvo odhindji nuwehame uunene moshilongo shika, noshigwana otashi fudha omufudho omule, onkalo ndjoka yi huli thwe po mbala pamwe nuukoloni wayo. Emanguluko kAanamibia oyendji, otashi ti okwoopaleka onkalo yaaniilonga.

Sebulon Ekandjo

## Ekundo lebandulo

Ondi na ekundo linene osho yo epandulo lange kOngeleki yetu, okutala kuyo, eshi tai endifa oshilonga shayo mokati koshiwana shi li moudjuu. Ondi shi shii nawa kutya haame andike oku shi dimbulukwa eshi kwa tiwa: "OKWE LI HOOLELELA A SHEKWE PAMWE NOSHIWANA SHAKALUNGA." Hebr 11:25. Heeno, okulonga shihapu ngaha efimano nali kale laKalunga Mwene wOngeleki yaye naYe Mwene wayo, omo e li ta longo. Ounyunu ou li popepipepi noku shi dimbulukwa. Oye Omwene wailongo younyuni.

Ou wokombadambada oha pangele oilongo yovanhu (nokutya younyuni yo), ndele ote shi pe ou ye a hala. Dan 4:25b, 32 Hano atusheni ava tu shii nawa eenghono edi, natu kuweni pombada kuye. Oudjuu wetu oku u wete shili. Vakwetu natu ilikaneni shili, no-kuhe na omalimbililo ashia. Ngaashi ovamati vaye Gideon noovakwao vahapu. Ovatok 6:13

Oshili omitima dovanhu vahapu vomeni novopondje oda talalekwa kuJesus Kristus nEvaangeli laye. Ekundo kovanashilonga amushu; Omwene Jesus Kristus ine tu pa omhepo youmbada ahowe. Luk 12:4, 5 Eimbilo 498 lipe 394.

Kaume keni mondjila yomushiyakano Justus Kondjeni Vatilifa

## Epandulo nehambeleo

Kalunga oye oshiholameno shetu, noonkondo dhetu, ekwatho muudhigu li shi okwiinekelwa. Omumvo gwa zi ko kehulilo lyaMai okasheelikadhona kandje oka kwatwa kuMalaria. Petameko lyaJuni gwa landula omwedhi ngoka, meme ota mana oondjenda manga nda kalela sheeli mOshakati. Onda hungu osheli nomudhimba gwa kalela ndje mokila.

Omaipulo nomalimbililo konyala ga gwilile ndje po, ihe onda tsuwa omukumo kutya shoka to pewa kuNampongo shambekela nomaako gaali, ye Kalunga oku ku hole ke ku tonde. Nuumvo ishewe Kalunga ota putudha sho mu Juni atuhe nuumati wandje Paulus naHans, twa kwatwa ishewe kuMalaria gwa kwata miiti.

Ngame yina onda tulwa moombete mOshakati, manga uumati tau pewa epango u li kondje. Onkee ote tumbula ongOmpisalmi: Ano Kalunga ketu oye Eholameno, oonkondo nekwatho momaudhigu. Otandi pandula wo koondohotola naapangi sho hamu tu yakula nomaganohenda mwe ga pewa kuKalunga. Eps 46:2; 19:1-16.

## ELCIN a pewa iiyenditho

Ehangano lyaOtto Benecke Stiftung, mOvenduka lya yamukula nawa eindilo lyOngeleki ya ELCIN, okumononwa iihauto yokulonga pethimbo lyokatokolitha 435. Eti 30.8.1989, ombelewangeleki oya taamba iipatululo yihauto iheyali ya gandjwa kEhangano ndyoka.

Methano kolumoho omutonaelishitayi-engeleki shaUkwanyama, ota taamba oshapi komumbisofi yoshihauto shono tashi ka longa kombelewa yoshitayi shoka. Iitayi-engeleki iikwawo iyali mOwambo nokOkavango, nayo oya topolelwa. Opwa kundane- nekwa natango kutya Ehangano lyomakwatho lyomuSoomi (Finnish Aid) nalyo olya zimina okugandja iiyenditho iheyali kOngeleki ndjika. Oshiyenditho shimwe osha gandjwa nale koshilonga shetumo koKaoko.



# OKUYAMBA KALUNGA

Okuyamba Kalunga oko oshinima sha uthwa kuKalunga mwene ooitaali ye ya kale taye mu etele omapandulo gasha. Okuyamba Kalunga okwa kala oshinima sha simana mooitaali yuuyuni wopethimbo lyOmbimbeli, oshoka nokuyamba aantu oya koleke ekwatathano lyawo naKalunga noya ningi aayapuki naayuuki wo.

Pethimbo lyetu otu na wo omikalo dhokuyamba Kalunga. Ohatu gandja iigandjwa yokomumvo nomagano gontumba nogongandi. Ohatu umbu wo ongalo momalongelokalunga getu. Pethimbo lyongashingeyi edhiladhilo kutya okuyamba Kalunga otaku opaleke ekwatathano lyomuntu naKalunga, ihali tulwa we omuthindo ngaashi tashi adhika mOmbimbeli, ihe edhiladhilo hali tulwa unene omuthindo olyo ndika, kutya otatu yamba Kalunga tu mu pandululile omayambeko ngoka e tu pa.

Jesus naalongwa ye oya li ya kuumtumba motempeli mehala lyaaikiintu. Mehala ndika omo mwa li mwa tungilwa ehala lyiiketha omulongo niitatu yokuumbila iimaliwa yomagano gotempeli. Jesus okwa tala nawa aantu nkene taa umbu ongalo yomagano gotempeli, ihe oshinima sha gumu omwenyo gwe ongalo yomuselekadhi ohepele.

Omukulukadhi nguka okwa li e na uutatasenda uyali kumwe tau ningi osenda yimwe. Uutatase-nda auhe okwe u tula moshiketha shOmuwa. Ongalo yomuselekadhi nguka oya zi melongelokalunga lyoshili. Ohole ye okuhola Kalunga oya li onene, onkene ashihe shoka a li e na okwe shi yamba po. Okwi inekele oonkondo dhaKalunga dhoku mu sila oshimpwiyu noku mu kwatha natango onkee ina tila okupupulila ondjato ye ayihe moshiketha shOmuwa.

Ndika olyo elongelokalunga li li mombepo nomoshili noli na ohole neigandjo miikaha yaKalunga. Jesus okwa kumagidha ooitaali ye yaa kale noshimpwiyu shokulya, okunwa nokuzala oshoka Kalunga ote ya sile oshimpwiyu esiku kehe, Mat 6:25, 30.

Mokuyamba Kalunga otu na okwiidhilika uute-nde nuuluya auhe, tse tu pe Kalunga shoka tu na oku mu pa nomwenyo gwa manguluka, oshoka Kalunga ota hokwa eyambo lyomuntu ngoka ta gandja nenyanyu (Kor 9:7). Pethimbo lyongaashingeyi otaku tiwa omuntu na yambe Kalunga ngaashi omwenyo gwe tagu ti.

Shika otashi ti omuntu kehe na gandje kuKalunga pahole ye okuhola Kalunga, papandulo ndyoka e nine Kalunga nopaukumwe mboka u uvite u li pokati ke naKalunga, opo ya koleke uukwashilyo wawo mehanganu ndyoka Kalunga e li dhiki pokati ke nahekulu Abraham, (Gen 17:7).

Omuntu ngoka a holola uuhethi mokuyamba Kalunga okwa kondwa mo mehanganu lyaKalunga. Okuyamba Kalunga nomaliko getu oko oku mu longela noku mu simaneka. Pethimbo lyOmbimbeli eliko lya yambwa Kalunga olya talwa aluhe kutya olyo eliko eyapuki noitali vulu nande okulingithwa miilonga mbyoka kaayi shi iyapuki. Olya longithwa mokwoopaleka otempeli, mokukwatha oohepele nomokupalutha aasaasari. Eliko lya yambwa Kalunga oli na okulongithwa mokusimanekitha edhina lyaKalunga muuyuni muka.

Mongeleki yetu eliko ndyoka ooitaali taa yamba Kalunga otali longithwa miilonga iyapuki

ngaashi okuputudha iilyo yOngeleki yi koke moondunge dhopakriste noosikola odhindji dhopangeleki otadhi pumbwa okutungwa. Otali longithwa miilonga yopambepo momagongalo, omasakramendi ga vule okutopolwa noshilonga shehungomwenyo shi vule okulongwa.

Otali longithwa muudiakoni, oohepele momagongalo dhi vule okukwathwa. Otali longithwa moshilongatumo, evangeli li taandelithwe koombinga noombinga. Otali longithwa muuteku wopambepo maagundjuka momagongalo gOngeleki, opo ya ninge aakriste aawanawa. Meliko ndika omo wo tamu zi oshikwiila shaannshilonga mboka ya mangwa kiilonga yOngeleki momagongalo nomongeleki ayihe.

Eliko ndyoka ooitaali taa yamba Kalunga oli na oshinakugwanithwa oshinene monkalathano yetu. Olya pumbiwa noonkondo momagongalo nomOngeleki ayihe nolya tegelelwa li kale tali indjipala notali tana nawa, opo iilonga yOngeleki yi vule okugwanithwa. Epulo oli li owala mpaka kutya iilyo yOngeleki yetu otayi yamba Kalunga noomwenyo dha tya ngiini ano?

Shoka oshinima shokuyamba Kalunga kashi shi oshinima shuuyamba nani, ihe oshinima shekwatathano lyomwenyo gwomuntu naKalunga. Oteksti yetu otayi tu longo kutya nomutokele tototo ota vulu okuyamba Kalunga. Palongo lyomembo lyoshilongatumo ngaashi tali longithwa muuyuni auhe, ongeleki yontumba shaa ya pewa eithikameno, nena oyi na okwiikwatha

Mark 12: 41-44



yoyene momahupilo gayo.


Kayi na we okweendjelela komahupilo gehanganotumo ndyoka lya kala hali yi tekula manga ya li epyatumo lyalyo. Ihe sigo onena Ongeleki yetu otayi nyengwa okwiithikamena momahupilo gayo, oshoka miilyo omu na aanangunga yii-gandjwa oyendji. Oongalo otadhi umbwa nuutende.

Otatu pumbwa okugalikana Kalunga a kune ohole yOngeleki moomwenyo dhooitaali ye, opo okuyamba kwetu ku fe kwomuselekadhi ngu ohepele. Ku kale taku zi komwenyo aguhe omolwokuhokwa Kalunga nomolwokuuva elago sho tu li iilyo yegongalo lye eyapuki notwa ningi yomongundu yoonakuhupithwa.

Ngaashi epya lyOmuwa tali pumbwa aalongi oyendji oshowo tali pumbwa eliko lya gwana. opo oshilonga shopambepo shi adhe nuupu koombinga adhihe dhOngeleki. Shoka shaKalunga nashi pewe Kalunga.


E. Niinkoti  
Nakayale

## A KANITHILE OKUGULU KWE METOPO LYOSHITOPITHA



Natango methimbo lyetulopo lyomatati nombili tayi tungwa, omufudho gwiita onkene tagu inyenge mokati koshigwana moka oomwenyo tadhi kana nomalutu taga lemana. Okamati Andreas Aupindi (17), mOnawa Ombalantu, oka kanitha okugulu koshitopitha shoka ka ti oke shi tola mondjila yako 29.8.1989 okuya kosikola. Ngashingeyi oke li moshipangelo mOshakati.

# Aakulukadhi yaali ya kondjele okanona kamwe mOnandjokwe



Meme Lovisa ti ipula nokanona hoka taku tiwa kake shi ke

pote ngoka a adhika nokanona, kehe gumwe ota ti okanona oke. Okanona Aili oka dhimbululwa kuyina Regina nokaapangi yomomukunda moka Aili a yakwa ongula yokupenduka 1.9.1989.



Okanona Aili

Omukulukadhi Lovisa, ota ti eti 20.7.1989 okwa vala okanona okakadhona moshipangelo shaShakati, e taka fikwa kuukwawo nomeya molukanda lwaShakati. Omukulukadhi Regina ngoka ehokololo lye li na uunzapo waapangi, ota ti eti 4.6.1989, okwa vala okakadhona megu-



Meme Regina pethimbo a li meipulo lyokamwana Aili, hoka ka monika noke li ngashingeyi miikaha ye.

Okahanona koomwedhi ndatu Aili Filippus oka galukile ishewe mOnandjokwe eti 8.9.1989 konima yomasiku gahetatu sho ka yakwa moombete moshipangelo shoka, manga taka pangwa iilalo yomulilo.

Omukulukadhi Regina Jason, mEpembe ngoka a kanitha okanona nomukulukadhi Lovisa Uu-

mbo lyawo.

Esiku limwe okanona hoka oka gwithilwa kuumwayina meziko e taka mono oshilalo koshikaha shokolulyo nopolupanda lwombinga tuu ndjoka. Okwe eta okanona ke koshipangelo e taka tulwa moombete 30.8.1989, moka esiku 1.9.1989 ka kana mo ongulangula.

Meme Lovisa eti 8.9.1989 okwa adhika a eta okanona kokapangelo kaNayena, ka pangwe iilalo yomulilo. Pokapangelo okwa adha po ekonakono lyokanona ka kana mOnandjokwe, nopwa tamekwa mbala nomakonakono ga hilwa komandhindhiliko taga tsu kumwe nogokanona ka kana naahoka ke niwe kumeme Lovisa.

Omaumbangi ga li taga gandjwa kumeme Lovisa nkene a vala okanona ke, kaga li taga tsu kumwe.

Okanona oka tsikila natango nepango lyako mOnandjokwe manga ekonakono lyaavali mbo-ka yaali tali tsikile. Okanona otaka monika ke li natango monkalo yi li hwepo konima yomasiku gahetatu, inaka yama kontulo yayina, ko inaka mona epango lyi ihwapo.

## Sebulon Ekandjo

## Dha za kep. 1

Oshitayingeleki shUukwanyama omumvo 1988 osha indjipala niilyo 4440 mbyoka ya ningi ayihe kumwe 121 276, manga oshitayingeleki shUuninginino sha indjipala 6 877 mbyoka ya ningi 122 920 ayihe kumwe. Oshitayingeleki shOndonga osho ashike inaashi gandja omwaalu gwasho.

Oshitayingeleki shUukwanyama oshi na omagongalo 24 shOndonga 25 noshUuninginino 31 manga oshitayingeleki shaKavango shi na omagongalo gahamano mewiliko lyomusita Asser Lihongo, payalulo lyomumvo 1988.

## Sebulon Ekandjo



Okanona Aili taka hambelelwa komupangi Lea Iimbili, sho ka galukile moshipangelo.



# KAULINGE TA ULIKE KONGUSHU YOKATOKOLIFO 435

Omupashukili woshitaingeleki shaUkwanyama, omufita Apollos Kaulinge okwa ti kutya eholokepo netulomoiilonga lokatolifo 435 kOiwanahangano, Ongeleki inai li tala ashike ngelinyengo lopapolitika, ndele olo yo enyamukulo lomailikano e he na edimbuko ovana vaKalunga muNamibia nomounyuni.

Eshi omupashukili Kaulinge okwe shi popila moshongalele shokomudo shoshitai osho mOngenga neudo muJuli. Oshitwa eshi ngaashi sha li shimwe shomoitwa ya fimana ya holoka mehokololo laye lomapandja 12 lokomudo, omupashukili okwa ti:

“Okatokolifo aka kufye, lake fi ashike oshinene-nima muNamibia, ndelenee oke li yo oshikumwifalanga shimwe shaKalunga nena. Okatokolifo itaka yandje ashike omhito koludalo okushakena novadali ile ovamwaina novamwaina, ndele otaka yandje yo omhito yondilo kOvanamibia yokuhoolola ovapangeli vavo ovo va hala.”

Okwa ti kutya okudja pehovelole lela lokuviliki-lwakwako 1978, nando pa kala eengudu dimwe dopapolitika moshilongo nopondje, tadi ka tiki-le noku ka fingaela, Ongeleki moule womido odo 10, oya kala ye ka tambula nomaoko avali ongondjila yokuxulifa po oita noyokutwala Namibia kemanguluko nokelifikameno pamukalo wombili.

Kalunga nande a nyamukula ngaha omailikano ovanhu vaye, omufita Kaulinge okwa ti kutya etikifo la SA oule weedula 10 okutulifa moilonga okatokolifo oko, itava kala nande inave li kema. Ekemo oli li opo, eshi la “kanififa omaliko mahapu, ouluvi wovanhu omayovi wa kome-nwa omaudio, omafele nomafele a lemanekwa palutu ile pamwenyo nomayovi Ovanamibia va nyekwa eemwenyo.”

Mokudimbulukifa natango osho sha ningilwe po fiku letulo moilonga okatokolifo oko, Kaulinge okwa weda ko: “Itatu efa ngaashi yo ondjo-konona yoshilongo eshi nayo tai ke shi ninga, okupangula oshiningwanima shonguloshi yedalo letulomoiilonga sha kaekwa kengwili loshilemo shohonde yoludalo laNamibia, la dipawa o-



Omufita A. Kaulinge

shiningilewina ku SA molundume loshilongo.”

Olupandu lowina ola yandjwa koilyo yomangalo omomudingonoko wOndeshifiilwa mOshitaingeleki shaUkwanyama, ovo ehupu la ti kutya okwa li va tula eemwenyo davo mohonde, ndee tave lidimbwa vovene okupaka omidimba dokwaita ovo va fila momalwoodi oo.

Kaulinge okwa ulika yo mehupu laye koshina-

kuwanifwa shinene omaongalo eshi na mefimbo letulomoiilonga lakatokolifo, oshinakuwanifwa shetambulafano noshediminfano, pamaumbo, pashiwana nopamunhu nomunhu. “Ngeenge omuvilikili wopolitika, omupresidende Sam Nujoma ta vilikile oshiwana shi fe ombila inene okupaka mo omautondwe nomaalulilafano owii, unene tuu omaongalo oo e na omulandu wokuudifa omushiyakano waKristus, oo u li ondjovo yehanganifo neenghono dediminfano.”

Omupashukili okwa londwela yo ovo ve udite ko emanguluko ngaashi “eulu lokombada yedu,” unene tuu ovanyasha nde ta ti: “Ongeleki nomaongalo itaa ka oka okuudifa oshipatululo shelao loshiwana osho kutya otashi ka hangika ashike mokukonga tete ouhamba waKalunga pahongo laJesus, Luk 12:31.

Sebulon Ekandjo

## Elundululo ola ka dja peni

Momukwetu waJuli 1978 wo 30, wonomola 14, otwa leshelemo efatululo lokatokolifo 435, la li li na oinima ya yela noya yooloka kwaasho shi li po pakutula moilonga. Omatumbulo amwe otaa ti: “Amushangandjayi oku na okutuma nee ongundudhildhili pamwe nomukalelipo gwe kuNamibia. Konima yaambyoka Amushangandjayi ota yi mekwatathano ongunduno ndhoka dhi na sha nemanguluko lyaNamibia tali wilikwa kligwanahangano UN.”

Eengudu edi tadi popiwa apa odilipipo? Ndishi tete odedi tadi kondjo, naadi tadi hangukununa? Pakutala haengudu dihapu odo tadi topaula ovanhu mougudu, odo tadi popiwa apa, ayee. Pakanhoko oko emanguluko laNamibia otali wilikwa kOiwanahangano. Paife oya fa ashike oyo tai tala manga umwe oye ta wilike.

Ewiliko kali fi okutala ndele okuwilika, okuufapo pa endama.

2. “...Etanga lyombili lya UN otali thiki wo muNamibia nokukutha po oshilonga shegame-no, shoka sha li nale shaapoloji, aakwiits nomakakunya galwe, nokugamena wo oongamba dhoshilongo. Aakalelipo mbaka oye na okulongela kumwe niilongo yopushiinda waNamibia.”

Etanga loiwanahangano otali ka kufa naini hano onhele yalo yeameno ponhele yovapolifi nomakakunya ngaashi sha li sha fatululwa? Etanga loiwanahangano nali ye moilonga. Ngeenge ovapolifi nomakakunya aa a kala taa hepeke nale oshiwana oo tae linyenge mokati koshiwana, osha yela kape na eameno. Eameno alishe nali ye momake Oiwanahangano. Ovanhu vavali ngee ova li tave lidenge, nena aveshe ova li ve na okukandulwa po needibo davo, fiyo omukali pokati e va paafanifa ombili ve he na eedibo aveshe. Nge umwe okwa ekelashi odibo yaye, ye umwe okwe i yeda ile a kondoveka, kape na eameno opo netambulafano ola hondamekwa.

3. “...Omatanga sho ga thiki muka, nena opo mpaka oonkwatwa dhopapolitika naanandholongo yalwe otaa mangululwa.” Ngeenge ee-

Tala kep. 9



Mefano eli otamu monika elongikido lomidimba dovakwaita kovakwashiwana moshitai shaUninginino

# Oongeleki dha pewa ehala momutumba gwaawiliki yopapolotika

## JUNIAS XHAIXUXWA

Oongeleki ndhoka tadhi longo moshitopolwa shOwambo, odha taamba ehiyo lya zi kaakalelipo yoongundu dhopapolotika, opo aakalelipo yOongeleki ya kale haa kala momutumba gwoongudu dhopapolotika, uuna tadhi kundathana ehulithopo lyoluhindo mokati kiilyo yadho.

Omutumba omutiyali gwoshigongi sholudhi ndoka, ogwa li mOshakati 7.9.1989, moka aakalelipo yOongeleki moshitopolwa nayo ya holo-kele mo. Oshigongi ohashi kala mewiliko lyomuwiliki omukuluntu gwetanga lyaUntag mOshakati, ngoka he shi ithana.

Oshigongi shotango osha li ko 23.8.1989 natango mOshakati. Oongundu dha holokele moshigongi shoka odha li: DTA: SWAPO yaNamibia; SWAPO-D; NPF na UNPP. Elalakano olya li okumona etsokumwe pokati kaakalelipo yoongundu ndhoka, nkene taku hulithwa po omahindathano pokati kiilyo yoongundu dhayo.

Momotumba gwtango omo mwa zi euvathano Oongeleki dhomoshitopolwa, nadho wo dhi kale hadhi kalelwa po moonkundathana ndhoka. Omukwathi gwOmumbisofi Matti Amadhila nomusita Julius Mtuleni, oyo ya kalele po Oongeleki yaELCIN momutumba omutiyali gwoshigongi shoka. Shoka sha uvathanwa momutumba gwtango osha li natango kutya:

a) Aawiliki yoongundu ya lombwele iilyo yawo opo yaa humbate nando iikondjitho, nashi kale osholudhi luni, uuna tapu ningwa oshigongi shaayehe.

b) Uuna tapu longekidhwa oshigongi shaayehe, aawiliki yongundu tayi ningi oshigongi naa ho-

lole iilyo yimwe yi shi okwiinekelwa, opo yi dhigininithe elandulathano poshigongi, noyi ngambeke omaihumbato nayi gaakwashigongi.

c) Mpoka tashi vulika, iigongi yopapolotika, yaayehe, nayi iyageke okuningilwa pooha dho-shikwawo ngele esiku olyo tuu ndyoka limwe.

d) Elombwelo nali ze kaawiliki yongundu yoyene, li pewe iilyo yongundu opo pwaa ningwe omakeelelo moondjila gokwiindika iilyo yaa ze kongundu ndjika yi ye kwaandjiyaka.

e) Ongundu kehe nayi kumagidhe aantu yayo yaa hinde nando iilyo yongundu onkwawo noku yi sakumudhila momahindathano.

f) Aakalelipo yoongundu dha li moshigongi shoka oya zimine ya kale haa gandja omahokolo kaapolosi ya SA noya Untag, uuna pwa holo-ka sha pokati koongundu, manga oshinima inaa-shi ikwata mooniyala.

g) Naku simanekwe omandhindhiliko ngoka taga ulike uukwangundu wongundu kehe osho wo omapandela.


Oshigongi oshu utha shi kale ko aluhe oshiwike oshitiyali kehe, mEtine. Pahapu dhomukalelipo gwa ELCIN moshigongi shoka, aakalelipo yoongundu inaa ninga ngiika oshindji shoka ya li ya tegelelwa ya gandje ehokololo momutumba omutiyali, ihe ayehe otaa zimine ompumbwe onene yetsakaneno lyawo. Oshikondo shaapolosi ya SA nasho osha li shi lilwe po moshigongi shoka.

### Sebulon Ekandjo

Omuxupi mOshiyamba  
Ye omule mOshingongolo  
Pounona okaana  
Povanyasha omunyasha  
Povakulunhu naye omutungambo.

Oye omupopi wOshingongolo  
Ha udifa mOshikwanyama  
Povayamba oha takum'oshiyamba  
POvangongolo oha dum'elaka lavo  
POvaxwanga oha popi te limemasha.

Oye omuyelele womEkoka  
Omuyelele a ye!e!Ovakwanghala  
Omukwanghala a minikil'ovayamba  
Ha popi a fa ta lesaha  
Meudifo oto ti ota xunganeke



### Omushamane Junias Xhaixuxwa

Ovakwanghala ove mu ningi'onhunda  
Ovayamba ove mu ningi'oshoongo  
Ovaxwanga ohave mu nyek'eemhofi  
Ovangongolo have mu imbi a kumuke  
Ovakwanyama ohave mu imbi a mbonyoke

Otwa halele a mon'ondjafa  
A mon' epapa "iOmhepo"  
A mon'ondjoko Nambabi  
A ning'Omupilisiteli  
Omufita wEkoka letu

Nge wa hala u tale Nambabi  
Xhaixuxwa iha xukuma  
Denga inda mOushilo  
U ye mEkoka laJohn  
U tale Kazukumana

Omhata okakuva ke he po  
Ou wokOutokelo wOwambo  
Ho pitile mEenhana  
Nde to pukuluwa muKongo  
Ovakongo kave n'okongo

Ningina 'kElombe' laKongo  
Eekilo omilongo nhatu nefiko  
Nge to ya kouffikilo waKoka  
Omujunias to mbaduka  
E na eumbo ke n'epundo

Onawa u ye komambo  
Kongeleka yomEkoka  
U pwilkine eudifo  
Lajunias Xhaixuxwa  
U dje mo wa itavela

Tate Xhaixuxwa omuholike  
Tate Namhongo ne ku kwafe  
Kalunga ne ku yambeke  
Pamba ne ku twe omukumo  
U kondje flyo edimbuko.

Ku P. T. Nakwafila



Meme Regina nomushamane waye Filippus Ndungula monghumwe fimbo okaana kavo inaka monika.

# IILUMBU MBYOKA YA PANGELE MUSOUTH AFRICA 1652 — 1988

Jan van Riebeeck mOkapa

Onda koneke kutya omathimbo gamwe opo omuntu u uve ko ondjokonona yuukoloni molukadhi lwaAfrika, owa pumbwa wo u tseye nokutya oolye ya li aawiliki Aatiligane muSouth Africa okuza 1652 sho iilumbu ya tulilile mOkapa.

Shika otashi kwatha opo omuntu u tseye kutya sho uukoloni wa kala tau taandele molukadhi lwaAfrika okuziilila unene mu-South Africa, opethimbo lyoshilumbu shini tashi pangele mOkapa. Onkee onda kambadhala, opo ndi tule momusholondondo omadhina gaapangeli, iilumbu mbyoka yaKapa. Unene tuu kutse Aanamibia, osha pumbiwa tu tseye opethimbo lyoshilumbu shini tashi pangele mOkapa sho iilumbu ye ya koNamibia ya ziilile kuSouth Africa.

Ondi inekela mboka mu li moosikola otashi mu kwatha wo mu dhimbulukwe omadhina ngaka nomathimbo gawo gokupangela. Ihe dhimbulukweni wo kutya nando mboka tatu ya luku aawiliki, itashi ti oyo ya li aawiliki ya pandika kAayafrica yaSouth Africa. Aawiliki Aaluudhe inaa kwatelwa mo nena momusholondondo nguka, ihe inaa dhimbiwa, yo inaa dhinika komunyoli nguka. Mboka otaa tege ngaa olufo lwawo.

Konima yomadhina oto adha ko omafupipiko gi ili nogi ili. Omafupipiko ngoka otaga ti ngeyi melaka lyoshikwiilongo: Com. = Commander; A. Com. = Acting Commander; Gov. = Governor; Ac. Gov. = Acting Governor; Com. Gen. = Commissioner(s) - General; Gov. Gen. = Governor-General; Pm. = Prime Minister; P = President. Onda longitha omadhina omakwiilongo, oshoka kandi na naanaa omafatulo gago mOshiwambo. Aafatuli naa fatule.

Otu na wo okudhimbulukwa, kutya okuya nokukala mo kwAatiligane muSouth Africa otatu vulu tu ku topole miitopolwandjokonona konyala ihamano. Ngaashi:

1. Epangelo lyAaholanda, 1652 - 1795.
2. Epangelo lyAaingilisa, 1795 — 1802
3. Epangelo lyAaholanda ishewe, 1802 — 1806
4. Epangelo lyAaingilisa ishewe, 1806 — 1910.
5. Epangelo konima ylita yOombulu nAaingilisa, 1910 — 1961.
6. Epangelo lyokatongotongo ka hanya, 1961 sigo onena (1989).


Kakele kaAngola naMozambique, uukoloni owindji wolukadhi lwaAfrika otau gwile meni lyomimvo ndhika (1652 — 1988.) Otu shi uuna wa tameke, ihe inatu tseye manga uuna tau hulu po thiluthilu. Shoka tu shi shi, osho shoka kutya otau hulupo. Aawiliki-kwatelikomeho yondjokonona yuukoloni oyo nee mbaka taa landula mpaka.

6 Apilili 1652: Aaholanda ye ya mOkapa

Otwa koneka kutya okuza eti 6 Apilili 1652, Aaholanda mewiliko lyaJan van Riebeeck oye ya mOkapa. Van Riebeeck okwa kala omuwiliki mOkapa o "Commander" sigo

omumvo 1662. Ta landulwa ku G. van Harn (Com.), 1662. Harn okwe ende mo owala ta landulwa kuZacharias Wagenaar (Com.), 1662 — 1666. Taku ya Cornelius van Quaelberg (Com.), 1666 — 1668. Opo ihe Jacob Borghorst (Com.), 1668 — 1670. Taku ya Peter Hackius (Com.), 1670 — 1671. Okuza 1671 sigo 1672 epangelo lyaKapa olya kala tali pangelwa kokangundu kowina haka ithanwa "Council of Policy". Okangundu haka oka landulwa ihe ku A. van Breugel (A.Com.), 1672 amuke.

Moomvula dha landulako omukalo guu "Commander" ogwa ethiwa po e tapu la-



Omusita S. V. V. Nambala

ndulwa guu "Governor". Isbrand Goske oye a ningwa o "Governor" yaKapa yotango. Nguka okwa lele okuza 1672 — 1676. Ta landulwa kuJohan Bax (Gov.), 1676 — 1678. Hendrik Crudop (A. Com.), 1678 — 1679. Opo ihe taku ya Simon van der Stel "Commander", 1679 — 1691. Moomumvo 1691 Van der Stel nguka okwa ningwa o "Governor" sigo 1699. Opo taku landula W.A. van der Stel (Gov.), 1699 — 1707.

OoVan der Stel mbaka oya landulwa ku J.Cornelius D'Ableing (Ac. Gov.), 1707 — 1708. Taku ya Louis van Assen-

burgh (Gov.), 1708 — 1711. Opo ihe William Helot (Ac. Gov.), ta landula ko, 1711 — 1714. Maurits Pasques de Chavannes (Gov.), 1714 — 1724. Jan de la Fontaine (Ac. Gov.), 1724 — 1727. Pieter Gysbert Noordt (Gov.), 1727 — 1729. De la Fontaine ta galukile ishewe mewiliko (Ac. Gov.), 1729 — 1737. Adriaan van Kernel (Gov.), 1737. D. van den Henghel (Ac. Gov.), 1737 — 1739.

Hendrik Swellengrebel (Gov.), 1739 — 1751..... nguka okwa li omvaley yaSouth Africa. Ryk Tulbagh (Gov.), 1751 — 1771. Pethimbo lyaTulbagh omalweendo ogendji oga ningwa okuya ku-Namibia. (Miinyolwa ya tetekele opwa li pwa nyolwa epuko moshinyolwa shandje shimwe nenge iyali, sho pwa li pwa tumbulwa edhina lyaSimon van der Stel nekwatatho nomalweendo gokoNamibia pomimvo 1760 lwaampo. Peha lya Van der Stel opwa li pu na okukala Tulbagh. Tala *Omukwetu*, Juni 15, 1988, ep. 5 nopalwe miinyolwa.)

Otu na wo okukoneka kutya pomimvo 1688 — 89, aakriste yAaprotestante yokuFulanisa mboka haku tiwa "Huguenots" oye ya kuSouth Africa, sho ya li taa tidhaganwa muFulanisa. Osho wo omumvo 1713 omukithi gwo "Small pox" aniwa ogwe ya lwotango kuSouth Africa. Natu tsikileni niilumbupangeli.

Okwa landula Joachim van Plettenberg (Ac. Gov.), 1771 - 1785. Baron P. van Rheede van Oudtshoorn okwa li a hogololwa a ninge o "Governor", 1772, ihe okwa si. Ku Joachim okwa landula C.J. van der Graaff (Gov.), 1785 - 1791. Johan Isaac Rhenius (Ac. Gov.), 1791 - 1792. S.G. Nederburgh yo na S.G. Frykenius (Com. - Gen), 1792 - 1793. Mbaka yaali oya li taa pangele oshita.

Iinima yimwe yopandjokonona natango tayi vulu okudhimbulukiwa oyo ngaashi omiti dhomalemuna ("oranje") dha etwa muSouth Africa dha kuthwa kokantuntu ka St. Helena nomiti dhomiviinu dha zi koshitopolwa shaRhine muNdowishi. Mbika oye etwa mo 1654. Omumvo 1657 aatiligane aanafalama-yotango ye li omugoyi (9) oya pewa uuthemba wokufaalama puRondebosch. Omanga momumvo ogo tuu ngoka mwa etwa oonakupangulwa ya zi kuBatavia. Omumvo gwa landula (1658) aapika 398 oya etwa kuSouth Africa ya kuthwa kuGuinea (West Africa).

Engelanda sho a lala Okapa 1795, okwa adha Abraham Josias Sluysken (Com.-Gen.) oye ta pangele, 1793 - 1795.

Taku twikilwa

## R 163 200 MELONGITHO LYOTANGO LYOSEKO YANKURENKURU

Oseko yOngeleki moNkurenkuru yedina ELCIN NKURENKURU HIGH SCHOOL, otayi ka tameka nomumvo gwayo gwotango gwiilonga omumvo tagu ya 1990. Elongitho lyiilonga yayo yomumvo, olya tengenekwa li ka pule R163 200. Omwaalu ngoka ogwa kolekwa mElongeleki lyaELCIN lyeti 23-25.8.1989.

Oseko yOngeleki moNkurenkuru oyo ontiyali kundjoka ya kala mOshigambo nodha dhikwa nelalakano lyokumonena aagundjuka elongo monkalo yuukoloni mboka wa ngambeka elongo mosikola dhawo.

Ookuume muuyuni oya kondjo omimvo adhihe ndhoka opo ya kwathe Ongeleki ndjika okupititha iinakugwanithwa iinene yoosikola dhayo. Ongeleki otayi kongo ngashingeyi ondungedhiladhilo yokugongelitha iimaliwa meni lyomagongalo yi konge eithikameno moshinima shiiniwe yayo.

## Elunduluko ola dja peni?

Da dja kep. 6

nghwatwa dimwe dopapolitika oda mangululwa, ovanadolongo vamwe ove li peni? Eenghwatwa dokoCassinga naadi domovakwaita vaSWAPO ava va kwatelwa moushava, vamwe vati ova li omefeke mokamba yokOshakati "Oniimwandi" oda mangululwa naini? Odi li peni?

4. "...Iilongitho yopaukwiita koongamba dha-Namibia naAngola, pethimbo ndyoka oya tu-lwapo noyi li metonatelo lyaakwiita ya UN." Paife ohatu udu ovapolifi va SA va toola oilwifo noitopifa, poo pafatululo eli ovakwaita va UN ovo va li ve na okutonatela apa tapa monika oilwifo noitopifa. Ava va ama keengaba ova didilika kutya etonatelo lovakwaita vOiwahanahangano ola nghundipala. Ova li ve na okukala neekamba davo keengaba, hakukala keedolopa voo have ya ashike tava vandamene voo tava shuna.

Etonatelo lovakwaita vOiwahanahangano nali kolekwe keengaba, opo pa ha kale omaumbada kutya ope na ovalivakeli mo noilwifo. Eengaba nadi keelwe lela, nekwtafano la SA na Untag peengaba nali fye.

5. "...Etanga lyegameno lya UN otali kutha etonatelo lyaipangelo nolyiikondo yilwe mbyoka hayi gamenwa kaakwiita. Nokuza mpoka omatanga gombili otaga pewa etonatelo lyonkalo ayihe moshilongo Namibia" Okutonatela kashi fi okutala ashike. Okutonatela okuya moilonga okukeelela okupopila nokwaamena. Etanga la teelega ashike omalopoto, loshinima sha nyonauka nale, kali na aemeno. Okutonatela okutala osho tashi etele omunhu oshiponga, hakutala nghee omunhu a etelwa nale oshiponga.

### Elunduluko.....

Omalopotelo oshinima sha ningwa nale hac unene taa kwafa, ndele okutondoka onghuo pefimbo olo, osho okwaamena nokukwafa. Ovakwaita vOiwahanahangano nave libanene keengaba. Elopotelo vali tali i kovakwaita vOiwahanahangano ndele tave li findikile kovakwaitapolifi va SA, ongaashi ashike okaana ka lifa oilya yange nde handi ka twala kuhe yako oye e ke ka denge ile e ka idilile modolongo.

Oiwahanahangano nge kai na oveta nelandulafano yalo vene, noi na ashike omesho ndele itai ti sha, itai ufa sha, nena opa kambela sha. Okuhe-neenghono kwOiwahanahangano otaku limbilike. Oda kanifwa kulye, noda kanena peni? Omuwiliki iha kanifa eenghono, shapo okukala e di kufwa ile e di yandja po.

Ongenee epangelo la SA ile oSWAPO, ava tava kondjo kave na eenghono di dule dOiwahanahangano. Ovo va li ve na okukala koshi yeenghono dOiwahanahangano. Omwaanuni oye e na okukala e na eenghono dokwaanuna, hamutali ashike nomuyandji wehokololo lolwoodi.

Eshi sha li sha fatululwa modula 1978 kombinga yokatokolifo 435 kOiwahanahangano, nashi ye moilonga ngaashi sha li. Inashi lundululwa, ye UN ina yandja po eenghono dokatokolifo kaye, nongee okwe di nyekwa, ne di pule ko.

### K. Hamushanga

# OVETA YEHOGOLOLO KAYI NA EPOPILO MAATSEYIVETA

Opwa kala oonkundathana oonene omasiku ga zi ko pokati komukalelipo guukoloni wa SA, Ngoloneyandjaji Louis Pienaar nongundu yaanaveta yligwanahangano (UN) mewiliko lyomusamane Paul Szasz, okwaadha etsokumwe momulandu ngoka tagu ka wilika ehogololo tali ya muNovomba. Szasz okwa kala shito omuwiliki gwopevi moshikondo shooveta sha UN mu New York.

Oveta yethaneko lyehogololo ndjoka ya ningwa ku SA, oya tamanekwa nale koyendji ngaashi aatali yehogololo yopaigwana mboka taya endaenda moshilongo ngaashingeyi, osho wo Oraata yOongelesi muNamibia (CCN) nokokomitiye yaanaveta yaAmerika ndjoka yi lile po uuthe-mba womuntu wopaveta moshilongo shawo. Ayehe mboka oye shi nyenyeta kutya ethaneko ndyoka olya nika omangambeko nolya egulula omaidhopomo poompito noompito noka li na eshilipaleko komuntu a hogolole mehalomo.

Ehokololo olya tsikila tali ti, ope na omandhi-

ndhiliko kutya petamekolela, oonkundathana odha li dha dhanenwa komusamane Martti Ahtisaari, opo pu ze Amushangandjaji gwa UN, dr Perez de Cuellar a tume omatumwalaka huka ga kola, nolwahugunina okwa tumu omutumwa gwe omusamane Szasz okuundula emanya li ye komeho.

Omulandu gwiigwanahangano okuhulitha po uukoloni wa SA muNamibia, otagu ti ando, Iigongi yomayelithilo gehogololo otayi tameke ashike pambelewa uuna Omukalelipo gwowina gwa UN, oye u uvite ombili sho ta tala kutya elandulathano lyehogololo olya yela noli li nawa.

Pethimbo ndika sho tapu ningwa wo omalongekidho geinyolitho lyoongundu ndhoka tadhika thigathana mehogololo, opwa dhimbululwa nkene oongundu ndhoka shi vule 40 moshilongo dhi vulike kongundu yoSWAPO muuwindji, e taku landula ihe DTA ndjoka ya kala tayi lele oshilongo momimvo dha zi ko. (CCN)

## OYENDJI MOWAMBO INAA INYOLITHILA EHOLOLOLO

Konyala aantu 46 000 mOwambo natango inaa thika keinyolitho ngaashi ya li ya tegelelwa. Sigo 6.9.1989 aantu 233 548 ayeke yi inyolitha moshitopolwa shika, peha lyaantu 280 436 ya li ya tegelelwa ye na okwiinyolitha.

Sigo 6.9.89 aantu 650 718 oyi inyolitha muNamibia. Omwaalu ogwa kuluka naantu 57 934 ya li ya tengenekwa ye na okwiinyolitha. Owambo oyo yi na ekuluko enene li vule apehe moka aantu 46 888 inaa thika keinyolitho. Pakonakono lya SWAPO omadhina ge vule 600 oga li ga pukithwa mokunyolithwa nosha kala oshidhigu okulandula ooyene mpoka ye li.

Kombinga onkwawo sigo omoshiwike shahugunina ehulithopo lyeinyolitho li adhe (15.9.89) okwa li taku mbomboloka natango aantu oyendji mOwambo yu uka pomainyolitho. Moyendji omwa holoka uumbanda kutya omukalo ngoka gwokwaatokolokwa otashi vulika gu ka longithwe natango koyendji momasiku gane gehogololo, shoka tashi ka fala mehupoko lyaantu oyendji. Uuhasha mboka ando u kondjithwe kOmunamibia kehe.

### Oongundu dha hala dhi ka hogololwe

1. Christian Democratic Action (CDA), Omupresidende P. Kalangula.

2. Liberation Front (LF), Omupresidende Kaptein H. Diergaardt

3. Namibia National Front (NNF), Oya thikama muungundu 5 ya K. Abrahams

\* NIP — ka A. Krohne  
\* SWANU-P — ka G. Veii  
\* RVP — ka A. Smith  
\* MPP — ka M. Simana  
\* UNPP — ka H. Shikondombolo

4. National Patriotic Front NPF) ya M. Katjiuungua. Omu na uungundu 3.

\* ANS — ka E. van Zijl  
\* CANU — ka S. Simasiku  
\* SWANU — ka M. Katjiuungua

5. Aksie Christelik Nasionale (ACN) ya J.W.F. Pretorius (NP)

6. Democratic Turnhalle Alliance (DTA), Omupresidende K. Riruako. Omu na uungundu 12.

\* BA — ka G. Kashe  
\* CDU — ka Van Wyk  
\* DTPN — ka D. Luiptert  
\* NDUP — ka S. Kamwanga  
\* NUDO — ka K. Riruako

# Ova shangela nge tava ti.....

## Etumwalaka kaakwashigwana Aanamibia naaholimbili ayehe moshilongo nomuuyuni

Amushanga omusimanekwa, pitika ndje ndi gandje etumwalakakaindilo lyandje koshigwana oshithiminikwa noshiholimbili sha tegamena ombili yi ye moNamibia, ombili yehanganitho lyigwana ayihe.

Shigwana, tu imangeni kumwe megalikano, ombili otayi ke ya. Tu ilongekidheni okutaamba ombili, oshoshili otwa hala ombili yi ye moshilongo shika sha kala ethimbo ele koho yethiminiko netiko lyombinzi. Ngame ondi wete kutya onawa tu tzeni oongolo esiku lya uvathanwa moongeleki adjihe dhi hole oshigwana nuuthemba washo auhe, twa taalela Jesus Kristus omutameki nomugwanithi gweitaalo.

Tu tsikile okupula ombili kuJesus. Ombili yaJesus ihayi ponyo, oshoka oya longekidhwa nawa shoshili. Noya yooloka koombili dhomuuyuni. Uuyuni wa nyengwa oku tu pa ombili, peha lyoku yi pewa otatu dhipagwa, tatu tulwa moodholongo nokukanithwa.

Kalunga okwa utha ombili yi pitile muJesus yi, ye kaantu ya hepekwa kiita nokondjala. Jesus ta ti: Ombili nayi kale nane, naishewe ombili yandje otandi yi mu pe. Itandi mu pe ngaashi uuyuni tau gandja. One Aanamibia, inekeleni oohapu dhOmuwa tadhi ti: Aanamibia, ombili yandje otandi yi mu pe.

Aamwatate tu galikaneni twaa na ezimbuko, opo Kalunga a yamukule natango omagalikano getu omolwombili ya yuulukiwa koshigwana. Ehogololo moNamibia li kale pauyuuki, li ulikile uuyuni kutya tse Aanamibia otwa loloka iita.

Natu galikaneneni Iigwanahangano mbyoka tayi tonatele ehogololo omolwombili yoshilongo shetu, Kalunga a kulukile miilonga yawo nombepo ye ondjapuki. Ota lombwele iigwana nominalaka naanankondo yomuuyuni ta ti: Hakoondkondo dhoye aawe, okOmbepo yandje ayike." Okombepo yandje ayike Namibia tali mono wo emanguluko lyalyo.

Ino ekelahi einekelo lyoye li na ondjambi onene, sho to pewa Namibia miikaha yoye u li pangele. Kwata kegalikano oyo oshikondekitho shoye. Ehogololo etiko lyombinzi otali mono ehulilo nombili, otayi ka pangela aluheluhe, muNamibia lya manguluka. Hakoondkondo, Tate Kalunga ota ti: OkOmbepo yandje ayike.

S. I. Amaambo  
Arandis

**Natango ou na ompito yokunyolitha oshifo shoye. Tuma ashike mbala edhina lyoye nondjukithi ya yela.**

## Omainyolitho nehogololo muNamibia

Oshigwana shaNamibia pethimbo ndika osha tegelela Novomba shoka tagu eta. Otashi vulika yamwe ya tameka okwiimba: "Novomba ila u tu mangulule," manga yamwe taa itsu omukumo

nomayeletumbulo gookuku. "Uusiku ngele inau vala ondjamba, otatu ka tala shoka tashi ka ningwa po muNovomba. Omanga yamwe taa ti: "Tashi ya ihashi londelewa." Ongendu onene yoshigwana pamwe otayi ti; "Kalunga ka Nangombe na kune ombepo yuukumwe moshigwana oshithiminikwa, opo shi ka sindane mehogololo lya-Novomba, shi mone ompito lwotango pandjokona yasho yokuhogolola omuleli gwasho, shi teye po ondjoko yuukoloni ndjoka ya tulwa komapepe gasho, okuza 1884.

Ngele nani moshigwana otamu inyengwa omikemo nomagalikano ga kola, esindano otali ka ninga lyoshigwana. Oshikwawo, otashi vulika wo mOvenduka, moKapa nomoPretoria mu na wo mboka taa galikana Kalunga kawo: "Alikana Kalunga tu kwatha, ngaashi wa kwathele ookuku yonale oonakusa, Malan opo "Ookafala" (aaludhe) ya kale koho yoompadhi dhetu, oshoka owe tu shiti aatokele (iilumbu) twe ku fa, onke otse tu na okupangela aaludhe sigo aluhe."

Nenge pamwe opu na aaludhe Aanamibia taya ningi onkambadhala yoludhi kehe, opo uukoloni wu tsikile moNamibia, taye shi ningithwa kuumbanda ya tila epangelo lyaSWAPO aniwa omukomuni. Oyendji yomuyo ohaya sheke uukomuni pamukalo gwa pilaala, mongundu yawo nomomakana gawo, omo hamu zi iitya yomasheko: "SWAPO omukomuni." Kombinga onkwawo aantu mbano oyo ya ningi aasheki yoongeleki naawiliki yadho.

Omuntu gwoludhi nduno oto mu tile ngiini? Omuntu ota etitha ohenda, oshoka uukomuni ke wu shi, ye uukriste e wu thanga omuthi. Omuntu oku li mombuga yonkange, ku na mpoka to mu gameke. Pamwe u tye omuagnostic, ote ku pula agnostic oshike? Omuntu gwoludhi nduno olye, noku li peni? Ondjimbo otayi pula "Omuntu gwaKalunga oku li peni?"

Otu li monkalo ya kindja, otu na ooyakwetu ye na omitima dha kindjikwa kuutalala wombambi pethimbo lyokufu okule, ombambi yuukwamuhoko, ombambi yolwihlo lwiiimaliwa nesimano lyiipundi. Uutalala wombambi mbono wa kolondeke nowa kindjike onkalo yoshilongo shetu, owa etwa kombepo yokufu okule kuukoloni mboka wa vala uukwamuhoko mokati koshigwana shetu.

Etondathano nevundakano mokati kaAaludhe muNamibia nomuSouth Afrika, osha pe aakolonyeki enyanyu nondigolo, iyaloo! Aaludhe naa tye ngaaka, naya tondathano, opo tu ya pangele sigo aluhe. Oomomutsemwapwa naya pewe iimaliwa oyindji niingamithi yo naya pewe oondjembo opo ya humithe evundakano netondathano komeho. Shika osho naanaa omadhiladhilo gepangelo lyiilumbu, nosha pewa edhina ewanawa "Oveta nelandulathano."

Pethimbo lyuudhigu, oyendji oya dhimbulula kutya, omutima ngele itagu longo shuuka, oshiponga oshi li momutse (uuluwi). Opo iinima ayihe yi kale nawa, ongele ashike omutse nomutima tayi longele kumwe. Iilyo mbika iyali oyo hayi wilike omaiwo gomuntu opo a longe uuwanawa nokutaalela oshili. Oshili ohayi kandula po shoka sha puka notayi etitha epupalo netungo lyombili tayi kalelele. Oshili otayi imike iyimati yuukumwe nohole tayi zi muukwatya wetu wi igwanapo.

Shika nashi tu yelee wo kutya, oshili ohayi dhengitha, yo ohayi dhipagitha aantu kaapangeli aafundja naandalapata. Osho sha kala nale mE-



testamendi ekulu, notashi tsikile sigo onena mokati ketu, tashi ningwa koonkondo dhuukoloni.

Oshigwana shaNamibia oshi li natango momauidhigu gonkalo yuukoloni moka twa kala omimvo 105. Onkalo ndjino oye tu etele omilema dhomalimbililo. Ethimbo lyuusiku womalimbililo olye tu fala monkalo yoshiponga nomatilitho guukoloni.

Monkalo ndjika yi kenyeneka omo twi ilongo ohole nuuyuuki waKalunga kookuku yetu, kutya oye omweendithi nomuvuli gwaayihe. Oye mwene gweshito nekulilo nuuyapuki. Nampongo gwetu ote tu wilike momainyengo getu, okwe tu homateka opo tu tsakanene naatondi yetu, kape na nee mbudhi kutya otwa homata pamukalo gwa tya ngiini. Nakusa Omumbisofi Josia Kibira gwa-Tanzania okwe shi popile a ganeka omunwe mombanda pethimbo lyoshigongi oshithamano shOngongahangano yaAakwaLuther 1977 mo Dar-es-Salam ta ti: "Omutondi gwoye ito mu tsakanene nOmbimbeli meke."

Etumbulo ndino kaAanamibia otali ti shike? Otwa pula emanguluko lyombili, otwa yamukulwa nomithi, oondholongo, omalusheno sigo sha yi moondjembo. Aanamibia oya vulwa sigo ya yi metokolo edhigu ya yamukula noondjembo. Ondjo oya lye? Muuyuni mbuka wuukoloni, omathimbo genyanyu oge liwe moshinkoti komathimbo goluhodhi. Monkalamwenyo yomuntu omu na omathimbo taga yelekwa nefundja pethimbo lyothinge, mo omu na omathimbo taga faathanithwa nethimbo lyoshikukuta pethimbo lyoluteni. Ngashingeyi otu li muudhigu nando okatokolitho 435 kIigwanahangano oke li miilonga.

Onkalo yetu yesiku kehe oya tsimikwa koshinyenu sha etithwa komayihumbato gonayi gomutondi gwoshigwana shetu. Omaluhepo giikulya, omizalo nomilalo. Iilonga nelongo lyolwalo lwetu lya yi koho yomathiminiko nomatilitho. Opolotika yii-maliwa ya yono po ombili yoshilongo shetu, sigo



**Omusamane Nangolo Mukwiilongo, ngoka e li natango muupongekwa.**

ya ningi etilitho momagongalo muushiinda no-moondjokana.

**Omathambo gokwiimemeha ga shonopala, omasiku goonkali (oosa) ga indjipala, kape na eyego tali toka. Oshike sha ningitha ngeyi? Uukwamuhoko wiilumbu mboka wa vala etondathano nokahalu keliko lyoshilongo shika, oko ka vala ondhino yoshipa oshiluudhe. Uufudhime owa zalekwa ofeyi, aniwa osho nee uudemokoli weputuko lyOshieuro-pa. Oshili, ekwatathano nelongelokumwe oya yi-wa moshipala kwaashono sha lukwa ondugedhi-ladhilo yoOdendaal. Aapangeli yetu oya lundilwa aniwa oya pula, opulana yaOdendaal.**

**Omithigululwakalo dhetu, aatiliganey oye dhi luku uupagani nenge uulunde. Ombepo yuumwayitha-na oya undulilwa melambo lyetondathano sigo oshilongo shtu sha ningi oshikundathanwa shuuyuni. Iita ya tukuka, oomwenyo nomaliko nombili yoyene ya yi kohl yotwithi lwiilwitho iudhigu.**

**Aawalwa ya ningi oothigwa, aakulukadhi ya ningi aaselekadhi, aasamane ya ningi aathigwapo. "Yayee uukoloni woombulu, yayee okatongotongo kiilumbu. Kalunga otwe mu ninga shike ano? Osho yamwe ya kala taa kugu ngaaka pethimbo lyothina yomalibililo. Yamwe oya ti, "Nando tu kale muudhigu mbuka, hatse atuke, otu li na-Jesus. Jesus oye omuhumbati guudhigu wetu. Omutenge gwoondjo dhetu neso lyokomushigakano osha li oshinima oshidhigu shi vule omaudhigu moka tu li mo, ngoka ga etwa kefupa nondumbo yomutondi gwoshigwana shetu, ta longitha oomvalele dhoshilongo, omalwalo getu, ye te ga pe iimaliwa nelongo lyombiliha.**

**Otatu kondjitha uukulu nuukomuni." Elongo ndika olya shekwa nokupangulwa koyendji mboka ya tonata koomwenyo dhawo, oshoka otadhi longele kumwe nomitse.**

**Okangundu okashona kAanamibia oka pewa kiilumbu edhina lyuupangeli, opo aaluudhe mbaka ya kale olutu oluluudhe lu na omutse omutokele. Ou shi shi ngaa ndishi, kutya omutse ogwo hagu kondolola olutu? "Eeno ondi shi shi, ashike ote longele omboloto yaamwandje."**

**Tala kuume oyendji ondi mu shi, yamwe otwa kaleni mekwatathano ewanawa manga inapuu ya omboloto yoludhi ndoka - iisiliveli omilongo ndatu (ooponda omulongo) oyo ya pelwe Judas nokonima oye ke mu lulila. Onawa kuume kandje u lye omboloto ndjoka wa lombwelwa komushiti gwoye. "Oshikwiila shoye oto shi li (nepupyu) nomazigudhe sigo okeso."**

**Oshigwana oshi li mewiliko lyomushiti gwasho shi imanga epaya pomwenyo, manga to li omboloto yombinzi yaangandjeni. Oshigwana osha yelutha omupembe tashi imbi egonga kasindani, shi na egetameno negwaneneno, shu uka komahogololo nokemanguluko lyoshilongo shika to landithapo iisiliveli omilongo ndatu, shono wa luku "omboloto yaamwandje." Oshoka owa dhimbwa kutya aamwoye iilyo neliko lyoshilongo shika.**

**Pulakena natango kuume, ndishi owa ti ngoye omukriste? Ashike owa kambela oshinima shondilo, oshoka ku shi omukondjelimanguluko, owi iningi omukondjelimangululo. Mokati ketu omu na yamwe haya itanga taa ti oyaandjaNdilimani (Iipumbu) yo yamwe otaa ti oyaMaharero, yamweotaa ti yo oyoludhi lwaNghililewanga. Otandi mu indile ngele owu li mongundu yaambo taa fanditha po Namibia kiilumbu, dhimbwa okwiitanga naakwaniilwa yetu mboka ya li taa kondjitha uukoloni. Itanga niilumbu. Ashike ondi na**

## ESO

**Iileka Alishi Utoni, Onaanda Uukwambi okwa hulitha oondjenda dhe 11-08-89, muuwehame wethimbo efupi.**

Gebhard E. Ashipala  
Walvis Bay

+++++

**Meme Aune Nelago Ndeumona Katau (56), okwa manene oondjenda dhe 27.12.88 ombaadhilila. Okwa thigi ko oyana yane, aamati yaali aakadhona yaali, naatekulu yatatu. Kalunga na hekeleke oothigwa dhe. Eps 118 neimbilo 364**

Margaret Katunevi Ananias  
Oniipa

+++++

**Meme Hileni Kamonde kaNgula (73) megongalo Onayena, okwa mana oondjenda ombaadhilila megumbo lye eti 2.7.1989. Okwa thigi ko oyana naatekulu oyendji. Tangi ookuume sho mwa li mwe tu yambidhidha moshituthi shoosa. Tate Kalunga ne mu yambeke.**

Taimi Sebulon  
Onayena

+++++

**Omasiku 8.9.1989 Tate Daniel Simon Nakalila (57) gwomomukunda Ondembo megongalo Oshigambo, okwa mana oondjenda muuwehame woomvula 12 megumbo lye. Okwa thigi ko omuselekadhi noyana (11) aatekulu (6).**

**Otatu pandula mboka mwi ile tu topolelathaneni oluhodhi nduka.**

Helena K. Nakalila  
Oluno Sec School

+++++

**ohapu nangoye: Ngele owa hala u ninge omuholike gwoshigwana shoye, tokola u hepe pamwe nasho manga kuye.**

**Uufilosofi woshigwana shetu owa pangula nonyanya uufilosofi wuukwamuhoko nokatongo. Oongundu dhopalolotika, unene tu oSWAPO yaNamibia pamwe nOongeleki dhaNamibia naaholimbili muuyuni auhe, oye li mekondjo ya mana mo, opo ya tudheko omutse gwoshilumbu ngoka gwa tsikwa kolutu lwOmunambia.**

**Ngoye ondi wete wa gondja momuzile gwoshaale. Oshaale osho AG 8 nomuzile oye ngu ho ithana Ngoloneyandjanyi. Ooveta dhokatongo mwa kwatelwa AG 8 otadhi hulu po. Tashi ti omwenyo gwokatongo moNamibia ogwa talwa pothingo. Ongendjo yoosa dhokatongotongo oya tameka okutona. Yangapi taa yi kefumwiko lyokatongo? Nolye ta ka yapula ombila yokatongo? Olye ta thigulula eliko lyokatongo? Pamwe ongoye ngu wa taamba ooponda omulongo?**

**Eliko oto ke li lila peni? KuSouth Africa ito yi ko, iilumbu hangoye ya hala, oya hala owala oku ku ninga oshilongitho shoka sha tseyika nedhina "Papeta." Namibia otali manguluka, tali mangululwa kAanamibia yoyene. Itali mangululwa kuNgoloneyandjanyi nenge ku UN aawe, okAanamibia yoyene mewiliko lyooWitbooi, ooMaharero, ooMandume noohIpumbu yopethimbo ndika. Aa-**

## Omapandulo

**Otatu pandula unene ookuume nosho wo aashiinda mboka mwi ile opo tu topolelathaneni pamwe oluhodhi lwakuku Anna-Kambuta Nikanor, ngoka a hulithile mOkakwiyu mOndonga. Tse aakwanezimo otwe mu pandula unene nomapandulo ga shewa. Kalunga ne mu zaleke onkondo mu tsikile nomukumo nomayakulo geni aaholike. Nakusa okwa li e na oomvula 76, okwa thigi ko oyana (2) aatekulu (18) naatekulululwa (4). Omwenyo gwandje oKristus nokusa okwo eikolo. Eps 123 Eimbilo 36.**

Laina-Nangula Sheyanena  
Oshendje - Elombe

+++++

**Omasiku 16-04-89, Kalunga okwa ithana po omugundjukamati Ngula Erastus Tangeni (Aishinga 23) mOnyaanya mOndonga, muuwehame wesiku li-mwe. Okwa thigi po he, nosho wo aamwayina 8. Onda mwena thilu, itandi makula okana kandje, oshoka ongoye mwene we shi ningi.**


Namandje Selma Nuuha  
Oshakati

+++++

## E tu thigi po

**Oumwamememati Paulus Konenka Epafra Iyambo (24) mOnamulunga mOlukonda, okwa mana oondjenda dhe 31.7.1989. Okwa thigi ko aamwayina yatano nokatekulu kamwe. Otatu pandula tate Kalunga sho a wilike oshituthi shetu pamwe naashiinda nookuume mbaka twa li nayo moshituthi shika. Eimbilo 617 Eps 120 Omuwa ne tu hekelekeni.**

Monika Rista Epafra  
Onamulunga



**poiofeti yopapolotika otaye shi popi sha yela kutya oshilongo otashi mangululwa kooyene yasho.**

**Omainyolitho oge li pexulilo, sha kala ko, ehogololo. Ondi ku lwete u li momalibililo ga zi muumbanda wokutila oshigwana shoye. Owa zala omekende omaluudhe pethimbo lyuusiku monkalo u li muyo. Onda uvu moRadio sho to pula egameno lyeliko naakwanezimo lyoye. Ngame omukwanezimo lyoye, owa yalulila ndje mo megameno ndyono? Owa yona shike ano sho to pula egameno? Eeno, ngele owa lya sha kakodhi, tala pombanda. Ngaye mwene ine hala u kale muumbanda, onda hala u manguluke monkalo yoye ayihe.**

**Omutse ngele ogu li kumwe nothingo, otandi ya tu popyepo, opo mu Novomba ndi ye ndi ku pitule tu ye kehogololo tu ka hogolole ongundu yoshigwana oSWAPO yaNamibia.**

**Ino tila ngoye ino sholola, eitaalo muukumwe otatu tu pe esindano, opo ombili ndjoka ya kondjela kookuku yi pangele oshigwana shetu oshiholike oshinambili. Ote kambadhala nda mana mo, opo ndi ye tu popyepo, nonda hala euvaneko ndika li gwanithwe. Omukumo neinekelathano nagu yambule omadhiladhilo geni amuhe.**

**OOMEME, TEMENI OMULILO GWOSHI-LONGO, OPO ESINDANO LI NINGE LYOSHI-GWANA.**

**L. N. Mukwiilongo  
Luanda**

## Tseya edhina lyoye

Otniel	= Onime yaKalunga
Oswald	= shoka shoonkondo
Oskar	= egona lyomulumentu
Noa	= evululuko
Nimrod	= ependa
Nico	= esindano
Nestor	= ngoka ha dhimbulukwa
Nehemia	= etalelopo lyOmuwa
Natan na	
Natanael	= omagano gaKalunga
Naftal	= a kondjo naKalunga
Mikael	= Kalunga a fe lye
Mateus	= omagano gaKalunga
Ottilie	= evi lyootate
Natalia	= esiku lyevalo
Naemi	= omunyanyudhi
Monika	= omugandjimaale
Matilda	= ependa miita
Martin	= e hole iita
Marta	= omukiintu
Maria na	
Mariana na	
Mirjam	= uululu
Margaret	= okawe
Magdalena	= eadhimo
Lydia	= gwomoshilongo sha Lidia
Linda	= omwaanawa
Lilja	= onkala

## Oyendji mu SA oyi inyolitha mehogololo

Aantu 8 980 yoku SA otaku tiwa oyi inyolitha opo ya ka ye mehogololo nuumvo muNamibia, pauelele mboka wa gandjwa 11.9.1989 komunambelewa gwombelewa yaNgoloneyandjaji mOvenduka.

## Mbaka ya kala mondholongo oye li tuu peni?

RUFUS AMUKUHU (44) Nakayale 18.9.1978  
SIMEON AMWIMBI (75), Onankali 12.1987  
ERASTUS NDEIFEKA (48) Nakayale 18.9.1978  
FESTUS ADOLF, Kongo 9.7.1988  
FESTUS SAMUEL, Kongo 2.1988  
MIKKA GEORGE, Windhoek 26.10.1988  
PAULUS HAFENE (20) Onanghwe 16.12.1980

NATANAEL NGHINAMWAAMI ?? ??  
(N) JASON IILEKA (15) Tshandi 14.7.1988

MUTUMBULWA AMUKUHU (38) Nakayale 9.1978  
FESTUS NAKAWA (56) Ontananga 10.1978  
JOHN NAKAWA (50) Oniipa 31.5.1979  
DAVID HAMUTETA, Okatana 13.10.1979  
VILHO MATEUS NYAMBALI ?? 25.7.1980  
MARCELLINUS IIPINGE (35) Okatana 4.10.1980  
MODESTUS IIPINGE (30) Okatana 4.10.1980  
ANDREAS KASHIKOLA, Elombe 27.11.1980

HAFENI SH. PAULUS, OHAUKELO 15.12.1980  
FRANS KASHIPALEKWA, OHAUKELO 15.12.1980

MATIAS ASHIPEMBE, OSHIGAMBO 7.6.1979  
PETRUS EMVULA ?? 10.7.1988  
JOHANNA KAYAMBU ENGELA 31.7.1987

TOIVO SHILONGO, OKAHAO 5.5.1980

KALEB PAULUS SHIKALE, Onawa 21.1.1977  
LINUS MATONGO, Caprivi 1.1988  
SIMEON NEHOYA, Omuntele 1979

TEOFILUS MATEUS, Elombe 27.11.1980  
FILEMON KASITA IIKELA (43), Oniipa 19.1.1981  
KRISTOF IYAMBO SHIKONGO Ekamba 10.4.1981  
SIMEON JOHANNES NEHOYA (40) Onyaanya 6.1981

AMUTENYA JOHANNES ASHIPALA Okatana 29.6.1981

MARKUS PAULUS, Oniipa 4.9.1985

RUBEN EDMUND, Eendobe 28.11.1986

ABNER SHIKESHO, Oniimwandi 3.7.1987

AFUNDE NGHUYOLWA, Oshikuku 4.9.1987

SHETEKELA SHININGENI (24) Windhoek 11.7.1988

MARIA SHOONGELENI, (24) Oshakati ???

IMMANUEL KAMBANDA ??? 1979

NEEMA LASARUS, ??? 1979

SAKARIA AKWAAKE (17) Onayena 1979

IMMANUEL HATUTALE (37) Ongenga 1.8.1987

TYLVES KAHIMA ?? ??

JONAS KEMANYA, Oshakati 9.10.1988  
JIMMY KWALA, ??? ???  
FRACO (MANUVWALI) SHANINGWA Ombalantu 7.1988

MATIAS JOSEF, Omungwelume 5.8.1988  
OSKAR MUHONGO NAIENGE, ??? ???  
SADRATH MUPANDI, Omdano 10.4.1988  
AINA NANGOMBE AMUNYELA, ??? ???  
HENRY NGHEDE, Windhoek 29.1.1988  
PAULUS NGHIPUNYA, Ohausholo 1.1988  
PETRUS PAULUS (28), Ondangwa 10.3.1985  
JOHANNES PROTASIVS ??? ???  
KAMBATHA SHEYA, Windhoek 26.10.1988  
ANNA SHIKONGO, Oshakati ???  
PAULUS SHILULE, Omuulukila 20.1.1988

PETRUS TAUTUNYENGE yaKOSMAS YIIPINGE (24) Okadhima kaNangolo mUukwambi 19.12.1980  
HENOK SHIFETA (50) Ongenga 22.10.1985  
WERNER ELIA HAMUNYELA (32) Ondobe 1.8.1980  
NDEMUWEDA HESEKIEL KAKUNYA (30) ?? 4.4.1978

Ndhindhilika: Ngoka wa tseye gumwe gwaantu mbaka, kutya okwa mangulukwa, onawa u tseyithile ombelewa yOmukwetu mbala. Tangi kekwa.

### Dha za kep. 9

- \* RDTAP — ka B.J. Africa
- \* RP — ka D. Mudge
- \* Seoposengwe — ka G. Kgosimang
- \* SWAPDUF — ka M. Haraseb
- \* UDP — ka M. Muyongo
- \* UPN — ka B. Barnes

=====

7. United Democratic Front (UDF). Omu na uungundu 3

- \* DC — ka J. Garoeb
- \* LP — ka R. Diergaardt
- \* OPPN — ka T. Soroseb

=====

8. SWAPO YANAMIBIA. Omupresidende Sam Nujoma

## ETSEYITHO

**OSHIGWANA OSHIHOlike, OTO TSEYITHILWA Omayakulo GA NDJANGA NOGOPASHINANENA LELA.**

**AUAS MOTOR SPARES, A TSEYIKA NEDHINA (YAMBOLONGONDOJO.)**

**OTA YAKULA NGAASHINGEYI MEENHANA DHAELIA. NOSHO POMAFO KOSHIKANGO NOPO-NDANGWA.**

**ONDANDO YOOPALA OTO YI MONO MPAKA. IITE- NDA YIIHAUTO, OMATAYIYELA NIKWAWO OYI- NDJI. OPU NA WO OMAALAKA GA DHENGA MBANDA.**

**ILA WI ITALELEKO MWENE.**

**OMUWILIKI: M. AUALA**

### Dha za kep. 5

mbilo gemanguluko omolwegaluko lyomupresidende Nujoma, okuza muupongekwa.

Nujoma oshilongo okwe shi thigile po mu-Febuluali 1960, manga a tegelelwa kepangulo lyoombulu, molwashoka aniwa okwa tsu Aanambia omaminimini, ya tinde okutembudhilwa kolukanda olupe (Katutura). Miipotha mbyoka omwa dhipagelwa Aanambia 13 kaapolosi nyendji ye ehamekwa.

Omumvo 1966 omuwiliki gwaSWAPO Nujoma, okwi ile nondhila sigo omOvenduka a tule miilonga etokolo lyOmpangu yuuyuni, muDen Hague, kutya SA muNamibia oku li mo pondje yoveta. Oombulu odhe mu tindile uuthemba mboka noinadhi mu pitikila a popye nando nomuntu sigo dhe mu shunitha. Okuthika kwe ngashingeyi nokutaambwa kepangelo lyuukoloni, kumboka yaa na owino yopapolotika, oye shi luku "eigandjo", manga aanandunge taye shi tala nonkumwe kesindano lyekondjo lya-SWAPO nesindano lyilgwanahangano pashitokolitho 435. Viva Nujoma!

### Sebulon Ekandjo

#### OMUKWETU

Oye oshifo shOngeleki Onkwaevangeli paLuther yomu SWA/NAMIBIA.

Ohashi nyanyangidhwa mOshinyanyangidho shOngeleki mOniipa.

Omukuluntu gwoshifo omumbisofi Kleopas Dumeni.

Amushanga gwoshifo omusita Sebulon Ekandjo.

Ondando yOmukwetu muNamibia naSouth Africa R8,00 komumvo.

Pondje yaNamibia na SA R20,00 komumvo. Ndjika oyo wo ondando yoshifo shomondhila .

Oondando nomambesitelo agehe naga tumwe kOmukwetu, Oniipa, P/Bag 2013, Ondangwa 9000, N A M I B I A.

ELOC PRINTING PRESS  
PRIVATE BAG 2013, TEL. (06762) 11, TELEX 56-3257 WK  
SWA/NAMIBIA